



XUNTA DE GALICIA
PRESIDENCIA
Secretaría Xeral para o Deporte

SERVIZO DE DEPORTES
Avda. M^a Victoria Moreno, 43 – 6^o
36003 PONTEVEDRA
Tels. 886 20 65 27 – 986 80 39 26
E-mail: deportes.pontevedra@xunta.es



Sr. Pte. do C. MARITIMO D. Y
CULTURAL BREOGAN
Avda. Beiramar s/n- Pavillón de Deportes
Náuticos
San Martiño
36980 – O Grove
(Pontevedra)

EXPEDIENTE: PR946B 2019/000075-4
SOLICITANTE: C. MARITIMO D. Y CULTURAL BREOGAN
Nº REXISTRO: C-00525

NOTIFICACIÓN DE RESOLUCIÓN

Notifícoille que con data 11/03/2019 o secretario xeral para o Deporte dictou a seguinte

RESOLUCIÓN:

“Á vista da solicitude e documentación presentada, e sendo conforme coa Lei 3/2012, do 2 de abril, do Deporte de Galicia, co Decreto 85/2014, do 3 de xullo, polo que se aproba o Regulamento do Rexistro de Entidades Deportivas de Galicia, e demais normativa aplicable é polo que:

RESOLVO:

Anotar no Rexistro de Entidades Deportivas de Galicia as modificacións seguintes:

MODIFICACIÓN DE ESTATUTOS.

Contra esta Resolución poderá interpoñer potestativamente recurso de reposición ante o órgano que a ditou no prazo dun mes a contar dende o día seguinte á data de notificación, ou ben interpoñer directamente recurso contencioso-administrativo ante a Sala do Contencioso-Administrativo do Tribunal Superior de Xustiza de Galicia no prazo de dous meses a contar dende o día seguinte á data de notificación da presente Resolución”.

Achégolle copia dilixenciada dos novos estatutos.

Asinado electrónicamente en Pontevedra.





ESTATUTOS DO CLUB CLUB MARÍTIMO, DEPORTIVO E CULTURAL BREOGÁN DE O GROVE

CAPITULO I: NORMAS XERAIS.

Artigo 1º O Club Marítimo, Deportivo e Cultural Breogán de O Grove é unha Asociación privada con personalidade xurídica e capacidade de obrar sen ánimo de lucro, integrada por persoas físicas ou xurídicas, con personalidade xurídica propia e capacidade de obrar, con domicilio na Comunidade Autónoma de Galicia, que ten como obxecto primordial o fomento e o impulso da práctica continuada dunha ou varias modalidades deportivas, así como a participación en actividades e competicións deportivas calquera que sexa o seu nivel e destinatario.

Artigo 2º.- O Club Marítimo, Deportivo e Cultural Breogán de O Grove practicará como principal modalidade deportiva a de PIRAGÜISMO, e solicitará a ratificación dos estatutos e a inscrición no Rexistro de Entidades Deportivas de Galicia, de conformidade coa Lei do Deporte de Galicia.

O Club Marítimo, Deportivo e Cultural Breogán de O Grove practicará así mesmo as modalidades deportivas de XADREZ, e para tal fin funcionarán as seccións deportivas correspondentes, sen prexulzo de que a Asemblea Xeral poida acordar a creación doutras.

A existencia desta asociación ten coma fins, desenvolver actividades e defende-los dereitos dos asociados nos eidos culturais, deportivos e recreativos; promocionar actividades prestadoras de servizos a xuventude, nos ámbitos da cultura, os deportes e, as actividades de lecer e medio ambiente; sensibilizar sobre a conveniencia das actividades culturais, deportivas e de lecer como ferramentas para integrar a formación dos asociándose, en especial da nosa xuventude; desenvolver actividades de todo tipo encamiñadas a cubri-las necesidades dos asociados, así como dirixidas a achegar recursos para cubrir cos fins fundacionais.

Fomentar ás actividades náuticas o medio ambiente mariño e o patrimonio cultural marítimo e pesqueiro.

Para o cumprimento destes fins realizaranse as seguintes actividades: dinamización da Asociación mediante o establecemento de seccións, e de formalizar mediante a federación das seccións deportivas as actividades desta natureza; potenciación e promoción das actuais seccións deportivas da asociación: Piragüismo e Xadrez; organización de actividades socioculturais, deportivas, lúdicas de protección do medio ambiente; organización de cursos, seminarios, conferencias e actos análogos; elaboración de materiais formativos, revistas, folletos e calquera outro tipo de publicación para a difusión das actividades da Asociación, deseño e execución de cantas accións ou actividades sexan precisas para conseguirla participación de asociados/destinatarios; fomento das relacións de colaboración con institucións públicas, empresas privadas e organización non lucrativas que permitan un mellor cumprimento dos fins fundacionais; calquera outra actividade que a Xunta Directiva considere axeitada para o cumprimento dos fins da Asociación.



Artigo 3º.- O domicilio Social do Club Marítimo, Deportivo e Cultural Breogán de O Grove fíxase no Pavillón de Deportes Náuticos, rúa Beiramar s/n, C.P. 36.980, poboación O Grove, Concello de O Grove, provincia de Pontevedra, teléfono 986733293, Fax 986733293, E-mail cmdebreganogrove@gmail.com.

O Presidente cando as circunstancias o aconsellen, poderá acorda-lo cambio do domicilio social dentro da mesma localidade. Para o traslado do domicilio a outra localidade, que deberá ser sempre dentro do territorio da Comunidade Autónoma de Galicia, será necesario o acordo maioritario da Asemblea Xeral Extraordinaria.

En ámbolos casos, o traslado de domicilio social non implicará modificación estatutaria, e terá de ser notificado ós socios, e ó Rexistro de Entidades Deportivas de Galicia.

CAPITULO II: CLASES DE SOCIOS, ADMISIÓN, DEREITOS E OBRIGACIÓN.

Artigo 4º.- O número de socios será ilimitado. A Asemblea Xeral poderá suspender, non obstante, a admisión de novos socios cando así o esixan razóns de aforo ou capacidade física das instalacións. Os socios poderán ser das seguintes clases: fundadores, de número, de honra, deportivos, protectores, aspirantes e familiares.

Artigo 5º.- a) Socios/as fundadores, que serán aqueles que a 31 de decembro de 1981, o fose de número en calquera das Asociacións fusionadas (Agrupación Cultural Breogán ou Club Marítimo, Deportivo El Grove).

b) Socios/as de número, que serán os que ingresen despois da data sinalada no apartado anterior e sendo maiores de idade, satisfagan a cuota de entrada, agás no caso de fillos de socios ó cumpriren a maioría de idade, que quedarán exentos da cuota de entrada.

c) Socios/as de honra, ós que polo seu prestixio ou por contribuír de xeito relevante á dignificación e desenvolvemento da Asociación, se fagan acredores a tal disposición. O nomeamento dos socios de honra corresponderá a Asemblea Xeral.

d) Socios/as deportivos: aqueles socios, que non sendo socios de número queiran utiliza-las instalacións da sociedade, ou queiran axudar ó mantemento dalgunha sección deportiva. Non tendo dereito a tomar decisións en materia de patrimonio da Asociación, polo que non teñen dereito a voto nos asuntos que afecten ó patrimonio. Están exentos da cuota de entrada.

e) Socios/as Protectores: aquelas persoas físicas ou xurídicas que mediante o aboamento das súas cuotas axuden o financiamento dunha ou varias sección da entidade. Non teñan dereito a voto nas asembleas, están exentos da cuota de entrada.

d) Os menores de 18 anos, clasificaranse como socios aspirantes, tendo dereito ó uso das instalacións sociais mediante a cota que se fixe e pasarán automaticamente a ser socios de número ó cumpriren a maioría de idade.

e) Son socios familiares todas aquelas persoas que dependan economicamente dun socio de número e convivan con el no mesmo domicilio.



Artigo 6º.-

- 1.- Os socios de número terán os seguintes dereitos
 - a) Contribuír ó cumprimento dos fins específicos da asociación.
 - b) Esixir que a Asociación se axuste ó disposto na normativa autonómica deportiva e ó establecido no presente Estatuto.
 - c) Separarse libremente da Asociación.
 - d) Coñece-las actividades da Asociación e examina-la súa documentación, previa petición razoada ó Presidente.
 - e) Expor libremente as súas opinións no seo da Asociación.
 - f) Ser elector e elixible para os órganos de representación e goberno da Asociación, sempre que teña plena capacidade de obrar.
- 2.- Son obrigacións dos socios de número:
 - a) Aboa-las cotas que esixa a Asemblea Xeral.
 - b) Contribuír ó sostemento e difusión do deporte ou modalidades Deportivas.
 - c) Acatar cantas disposicións dicte a Asemblea Xeral, a Xunta Directiva ou Presidente, para o bo goberno da sociedade.
- 3.- Os socios aspirantes terán dereito a aproveitarse dos servizos e instalacións sociais da Asociación.
- 4.- Os familiares dos socios de número terán dereito a aproveitarse daqueles servizos e instalacións que se determinen, previo pago da cota fixada.

Artigo 7º.- Para ser admitido como socio, en calquera das súas modalidades, será necesario:

- Te-la idade sinalada para cada unha delas.
- Solicitude por escrito dirixida ó Presidente.
- Satisface-la cota de ingreso correspondente.

Artigo 8º.- A condición de socio pérdese:

- Por vontade propia.
- Por falta de pago das cotas sociais durante tres meses consecutivos, previo requirimento de pago, e consecuente Resolución do Presidente.
- Por acordo do presidente no seu caso, fundado en faltas de carácter grave, previa audiencia do interesado, que haberá de ser ratificado na primeira asemblea xeral que se celebre.
- Por calquera outra causa establecida na lexislación vixente.

CAPITULO III: ÓRGANOS DE REPRESENTACIÓN E GOBERNO.

Artigo 9º.- Son Órganos de representación e goberno do Club, a Asemblea Xeral, a Xunta Directiva, e o Presidente.

Artigo 10º.- O Presidente é o órgano executivo do Club, posúe a representación legal convoca e preside os órganos de representación e goberno executando os acordos destes.

O cargo de Presidente é a título gratuito e carente de interese nos resultados económicos da explotación, por si mesmo ou a través de persoa interposta

Artigo 11º.- O Presidente cesará por:

- a) Transcorre-lo prazo polo que foi elixido.
- b) Dimisión.



- c) Falecemento ou incapacidade física ou psíquica para continuar no exercicio do seu cargo.
- d) Aprobación dunha moción de censura pola Asemblea Xeral.
- e) Inhabilitación por sentenza xudicial firme ou sanción deportiva.

Artigo 12º.- A Xunta Directiva, estará formada por un número de membros non inferior a cinco nin superior a quince, da que formarán parte ademais do Presidente, un Secretario, un Tesoureiro, e alomenos un Vocal por cada unha das seccións deportivas existentes. Tamén formará parte da mesma un Vicepresidente que ostentará con carácter provisional a representación legal da sociedade, e exercerá as demais facultades do Presidente en substitución do mesmo, no seu caso, sempre que así o acorde a Xunta Directiva

Artigo 13º.-

1.- A Xunta Directiva quedará validamente constituída en primeira convocatoria cando concorran a ela a maioría dos seus membros. En segunda convocatoria será suficiente a concurrencia, polo menos, de tres dos seus membros, e, en todo caso do Presidente.

2.- A Xunta Directiva convocarase polo Presidente con dous días de antelación como mínimo, á data de celebración. A Xunta Directiva quedará tamén validamente constituída, cando estean presentes tódolos seus membros, aínda que non houbera mediado convocatoria previa.

3.- En especial corresponde á Xunta Directiva:

- a) Dirixir a xestión do Club, velando polo cumprimento do seu obxecto social.
- b) Formular o inventario, memoria e presuposto anual, que se someterá a aprobación da Asemblea.
- c) Aplicar tódalas medidas deportivas, económicas e administrativas precisas para o fomento e desenvolvemento do deporte dentro do Club.

Artigo 14º.- A elección do Presidente, e demais membros da Xunta Directiva efectuarase por periodos de catro anos, mediante sufraxio libre, directo, igual e secreto, por e entre os membros da Asemblea Xeral. Tódolos cargos directivos son reelixibles.

Artigo 15º.- O Secretario da Xunta Directiva coidará do arquivo da documentación, redactará cantos documentos afecten á marcha administrativa da Asociación e levará o Libro de rexistro de socios e o Libro de Actas.

Artigo 16º.-

1.- O Tesoureiro da Xunta Directiva será o depositario da Asociación, asinará os recibos, autorizará os pagos e levará os Libros de Contabilidade.

2.- Será obriga do Tesoureiro formalizar, durante o primeiro mes de cada ano, un balance de situación e as contas de ingresos e gastos, que se porán en coñecemento de tódolos asociados.

Artigo 17º.-

1.- A Asemblea Xeral é o órgano supremo do goberno do Club e estará integrada por tódolos seus socios de número.

2.- As Asembleas Xerais, tanto Ordinarias como Extraordinarias, quedarán validamente constituídas en primeira convocatoria cando concorran a ela a maioría dos seus asociados. En segunda e última convocatoria media hora máis tarde, quedará constituída calquera que sexa o número de membros presentes. Entre a data de convocatoria e o día



sinlado para a súa celebración terán de mediar, como mínimo, dez días naturais e non poderá transcorrer máis de 20.

Artigo 18º.- A Asemblea Xeral convocarase polo Presidente a iniciativa propia ou do vintecinco por cento, ó menos, dos socios de número.

1.- A Asemblea Xeral reunirse con carácter ordinario, previa convocatoria do Presidente, ó menos unha vez ó ano para tratar das seguintes cuestións:

- a) Memoria, liquidación do presuposto, balance do exercicio, rendición de contas e aprobación se procede.
- b) Presuposto para o seguinte exercicio.
- c) Proxecto e propostas do Presidente ou da Xunta Directiva.
- d) Proposicións que formulen os socios e que terán de ir asinadas ó menos, polo cinco por cento dos mesmos.

2.- Terá que celebrarse Asemblea Xeral extraordinaria para a modificación de Estatutos, elección do Presidente, toma de cartos a préstamo, emisión de títulos representativos de débeda ou de parte alcuota patrimonial, enaxenación de bens inmobles e fixación de cotas dos socios, e calquera outro acordo previsto nestes estatutos ou que se estime oportuno polo Presidente ou proceda legalmente.

Artigo 19º.- Os acordos da Asemblea Xeral adoptaranse por maioría simple dos presentes, requiríndose unha maioría cualificada e un quórum determinado de asistencia para aqueles asuntos que establezan os estatutos. Serán vinculantes e de obrigado cumprimento e terán forza executiva a partir da data da súa adopción, sen prexuízo, por razón da materia, da posibilidade da súa impugnación perante os órganos competentes e da Federación Galega Deportiva da modalidade ou perante o Comité Galego de Xustiza Deportiva.

CAPITULO IV: RÉXIME DOCUMENTAL

Artigo 20º.- O réxime documental do Club, constará dos seguintes libros. Rexistro de Socios, de Actas e Contables.

Artigo 21º.- No libro de Rexistro de Socios, terán de consta-los nomes e apelidos dos socios de número, o seu Documento Nacional de Identidade e, no seu caso, os cargos de representación, goberno e administración que exerzan no Club. Tamén hanse especificar as datas de altas e baixas, e as de toma de posesión e cese nos cargos aludidos.

Artigo 22º.- No libro de Actas, consignaranse as reunións que celebre a Asemblea Xeral e a Xunta Directiva, con expresión da data, asistentes, asuntos tratados e acordos adoptados. As Actas terán de estar asinadas, en todo caso, polo Presidente e o Secretario.

Artigo 23º.- Nos Libros de Contabilidade figurarán tanto o patrimonio como os dereitos e obrigacións, e ingresos e gastos do Club, debéndose precisa-la procedencia daqueles e a inversión ou destino destes.



RÉXIME DISCIPLINARIO

Artigo 24º.- Os órganos e socios do Club estarán sometidos ó regulamento disciplinario do Club e ó disposto no Título VII da Lei 3/2012, do Deporte de Galicia, e a súa normativa de desenvolvemento.

Artigo 25º.- Así mesmo o Presidente e os membros da Xunta Directiva responderán fronte os socios, o Club ou terceiros dos prexuízos que ocasionaren por culpa ou negligencia grave, de conformidade coa regulamentación propia do Club e o Ordenamento Xurídico vixente.

CAPITULO V: RÉXIME ECONÓMICO-FINANCIERO E PATRIMONIAL.

Artigo 26º.-

1.- No momento da creación do Club deportivo, o patrimonio fundacional e, e non dispón de instalacións e locais propios.

2.- No futuro o patrimonio do Club estará integrado por:

- a) As aportacións económicas dos socios, que aprobe a Asemblea Xeral.
- b) As doazóns e subvencións que reciba
- c) Os resultados económicos que pode producir as manifestacións físico-deportivas que organice a entidade.
- d) As rendas, froitos e intereses do seu patrimonio.

Queda expresamente excluído como fin do Club o ánimo de lucro e a totalidade de seus ingresos e beneficios aplicaranse ó cumprimento dos seus fins sociais.

Artigo 27º.- O Club poderá gravar e allear bens, mobles e inmobles, tomar diñeiro a préstamo e emitir títulos transmisibles representativos de débeda ou parte alicuota patrimonial, sempre que cumpra os seguintes requisitos:

1.- Que se autoricen tais operacións por maioría de dous tercios dos socios presentes ou representados na Asemblea Xeral Extraordinaria.

2.- Que ditos actos non comprometan de modo irreversible o patrimonio da Entidade ou a actividade físico-deportiva que constitúa o seu obxecto social. Para a adecuada xustificación deste extremo se poderá esixir, sempre que o soliciten como mínimo o cinco por cento dos socios de número, o oportuno ditame económico actuarial.

3.- Cando se trate de gravar ou allear bens, mobles e inmobles que foran financiados en todo ou parte, con Fondos Públicos da Comunidade Autónoma será preceptiva a autorización previa do órgano competente da Xunta de Galicia.

Artigo 28º.- O Club poderá emitir títulos de débeda ou de parte alicuota patrimonial, que serán nominativos.

Os títulos inscribíranse nun libro que levará ó efecto o Club, no que se anotarán as sucesivas transferencias.

En tódolos títulos constará o valor nominal, a data de emisión, e, no seu caso, o interese e prazo de amortización.

Artigo 29º.- Os títulos de débeda só poderanse subscribir polos asociados, e a súa posesión non conferirá dereito algún especial ós socios, agás a percepción dos intereses establecidos conforme á lexislación vixente.



Artigo 30º.- Os títulos de parte alicuota patrimonial han ser asemade, subscritos polos asociados. En ningún caso estes títulos darán dereito á percepción de dividendos ou beneficios.

Artigo 31º.- Os títulos de débeda e parte alicuota patrimonial serán transferidos unicamente entre os que teñan a condición de socios.

CAPITULO VI: REFORMA DOS ESTATUTOS E DISOLUCIÓN DO CLUB.

Artigo 32º.- Os presentes Estatutos só se poderán modificar, reformar ou derrogar, por acordo da Asemblea Xeral Extraordinaria convocada a tal efecto, mediante votación favorable dos dous tercios dos socios de número asistentes.

A reforma destes estatutos seguirá, con respecto ó Rexistro Entidades Deportivas de Galicia, os mesmos trámites administrativos que para a súa inserción.

Artigo 33º.- O Club extinguirase ou disolverase por acordo de: a) dos dous tercios dos socios en Asemblea Xeral Extraordinaria, convocada ó efecto b) por sentenza xudicial c) por outras causas legalmente determinadas. En todo caso haberá de ser notificado ó Rexistro de Entidades Deportivas.

Artigo 34º.- Disolvido O Club, o remanente do seu patrimonio social, se houbera, aplicarase a fins análogos de carácter deportivo ben por acordo previo da Asemblea Xeral ou subsidiariamente polo órgano competente en materia de deporte da Xunta de Galicia.

O Grove, 01 de abril 2017

Presidente

Félix José Lamas Gondar

35444493K

Secretaria

Rut Otero Triñanes

35469360W



